

OMB Nqi Lus Lub Luag Hauj Lwm. Daim ntawv tshaj tawm rau pej xeem lub luag hauj lwm rau kev sau cov ntaub ntawv no yog kwv yees siv sij hawm txog li 0.5 teev, suav nrog lub sij hawm nyeem daim ntawv cog lus. Tsis muaj kev suav sau cov ntaub ntawv hauv daim foos no. Daim foos yuav tsum tsim kom muaj cov nqe lus hauv daim ntawv cog lus ntawm cov neeg koom nrog tsev neeg thiab tus tswv thiab yuav tsum tau ua ntxiv rau daim ntawv xauj tsev (24 CFR § 982.308(f)). Tus muaj kev lees paub ntawm kev tsis pub lwm tus paub nyob rau hauv qhov kev suav sau no. Xa cov lus xam pom hais txog tus nqi kwv yees no los sis lwm yam ntawm kev suav sau cov ntaub ntawv no, suav nrog cov lus qhia kom txo lub luag hauj lwm no, mus rau Lub Chaw Hauj Lwm Saib Xyuas Pej Xeem thiab Vaj Tse Rau Cov Neeg Khab, Teb Chaws Meskas. Lub Chaw Hauj Lwm Saib Xyuas Kev Txhim Kho Vaj Tse thiab Nroog, Washington, DC 20410. Tej zaum HUD yuav tsis koj thiab txhawb nqa, thiab ib tus neeg tsis tas yuav teb rau, suav sau cov ntaub ntawv tshwj tsis yog tias cov kev suav sau qhia pom tus lej tswj tau uas raug xwb.

1. Tshooj 8 Lub Khoos Kas Daim Ntawv Pov Thawj Qhia

- a. Tus tswv tsev tab tom xauj tsev raws daim ntawv cog lus rau tus neeg xauj tsev rau kev nyob los ntawm tus neeg xauj tsev neeg nrog kev pab rau kev xauj tsev raws li Tshooj 8 lub khoos kas daim ntawv tshaj tawm kev xaiv vaj tse ntawm Lub Chaw Hauj Lwm Txhim Kho Vaj Tse thiab Nroog Hauv Teb Hcaws Meskas (HUD).
- b. Tus tswv tau ua Daim Ntawv Cog Lus Kev Pab Cuam Them Nyiaj Rau Vaj Tse (daim ntawv cog lus HAP) nrog PHA raws li lub khoos kas daim ntawv tshaj tawm. Raws li daim ntawv cog lus HAP, PHA yuav pab cuam them nyiaj rau vaj tse rau tus tswv tsev kom pab tus neeg xauj kev tsev xauj tsev los ntawm tus tswv.

2. Kev Xauj

- a. Tus tswv tsev tau muab ib daim ntawv theej ntawm PHA daim ntawv xauj tsev, suav nrog cov kev hloov kho uas tau pom zoo los ntawm tus tswv tsev thiab tus neeg xauj tsev. Tus tswv tsev tau lees paub tias cov nqe lus ntawm daim ntawv xauj tsev yog saib raws li txhua cov cai ntawm HUD daim ntawv cog lus thiab daim ntawv xauj tsev suav nrog daim ntawv qhia ntxiv txog kev xauj tsev.
- b. Tus neeg xauj tsev yuav muaj txoj cai tswj hwm daim ntawv qhia ntxiv txog kev xauj tsev rau tus tswv tsev. Yog hais tias muaj kev tsis sib haum xeeb ntawm daim ntawv qhia ntxiv txog kev xauj tsev thiab lwm yam kev cai ntawm daim ntawv xauj tsev, hom lus ntawm daim ntawv xauj qhia ntxiv txog kev xauj tsev yuav tswj.

3. Kev Siv Daim Ntawv Cog Lus Lub Tsev

- a. Thaum ncuas sij hawm xauj tsev, tsev neeg yuav nyob hauv tsev cog lus nrog kev pab raws li lub khoos kas daim ntawv tshaj tawm.
- b. Cov feem ntawm cov tsev neeg yuav tsum tau txais kev pom zoo los ntawm PHA. Tsev neeg yuav tsum ceeb toom rau PHA tam sim ntawd txog kev yug, kev saws me nyuam los tu los sis kev saib xyuas ntawm tus me nyuam. Tej zaum yuav tsis ntxiv lwm tus neeg nyob rau hauv tsev yam tsis tau txais ntawv sau tso cai ua ntej ntawm tus tswv tsev thiab PHA.
- c. Tej zaum lub tsev cog lus tsuas siv rau qhov chaw nyob los ntawm cov neeg hauv tsev neeg uas tau txais kev pom zoo los ntawm PHA nkaus xwb. Lub tsev yuav tsum yog tsev neeg nyob nkaus xwb. Tej zaum cov neeg hauv tsev neeg tuaj yeem koom nrog cov dej num kom tau txais paj ntsig raws li txoj cai los ntawm kev siv lub tsev rau qhov chaw nyob los ntawm cov neeg hauv tsev neeg.
- d. Tej zaum tus neeg xauj tsev yuav tsis yog kev xauj ua ntu los sis cia rau lub tsev.
- e. Tej zaum tus neeg xauj tsev yuav tsis muab daim ntawv xauj tsev los sis hloov lub tsev.

4. Xauj rau Tus Tswv

- a. Tej zaum tus nqi xauj tsev thawj zaug rau tus tswv yuav tsis pub tshaj tus nqi uas tau txais kev pom zoo los ntawm PHA raws li HUD cov cai tseev kom muaj.
- b. Cov kev hloov pauv ntawm tus nqi xauj tsev rau tus tswv yuav raug txiav txim los ntawm cov cai ntawm daim ntawv xauj tsev. Txawm li cas los xij, tej zaum tus tswv yuav tsis nce nqi xauj tsev thaum ncuas sij hawm thawj zaug ntawm daim ntawv xauj tsev.
- c. Thaum lub sij hawm ntawm daim ntawv xauj tsev (nrog rau ncuas sij hawm thawj zaug ntawm daim ntawv xauj tsev thiab kev txuas lub sij hawm ntxiv), tus nqi xauj tsev rau tus tswv uas yuav tsis pub dhau lub sij hawm:
 - (1) Tus nqi xauj tsev tsim nyog rau lub tsev raws li tau txiav txim siab tsis ntev los no los sis kev rov txiav txim los ntawm PHA raws li HUD cov cai tseev kom muaj, los sis
 - (2) Tus nqi uas tus tswv tsev tsub nqi rau cov tsev uas tsis tau txais kev pab cuam sib piv tau hauv cov chaw.

5. Tsev Neeg Kev Them Nyiaj rau Tus Tswv Tsev

- a. Tsev neeg muaj lub luag hauj lwm los lav them tus tswv ib feem ntawm cov nqi xauj tsev rau tus tswv uas tsis tau txais kev pab them los ntawm PHA cov nyiaj pab them nqi vaj tse.
- b. Txhua lub hlis, PHA yuav them nyiaj pab rau vaj tsev rau tus tswv tsev tam rau ntawm tsev neeg raws li daim ntawv cog lus HAP. Tus nqi ntawm cov nyiaj pab them nqi vaj tse txhua hli yuav tau txais kev txiav txim los ntawm PHA raws li HUD cov cai tseev kom muaj rau kev xauj tsev raws li Tshooj 8 ntawm lub khoos kas daim ntawv tshaj tawm.
- c. Cov nyiaj pab them nqi vaj tse txhua hli yuav tsum txiav them rau cov nqi xauj tsev txhua hli rau tus tswv tsev rau lub tsev cog lus xauj.
- d. Tus neeg xauj tsev tsis tau lav los them ib feem ntawm cov nqi xauj tsev rau tus tswv tsev uas tau txais kev duav roos los ntawm PHA cov nyiaj pab them nqi vaj tsev nyob hauv daim ntawv cog lus HAP ntawm tus tswv thiab PHA. PHA tsis them cov nyiaj pab them nqi vaj tsev rau tus tswv tsev tsis tau ua txhaum rau daim ntawv xauj tsev. Tej zaum tus tswv yuav tsis txiav qhov kev xauj tsev rau qhov tsis them nyiaj ntawm PHA cov kev nyiaj pab tus nqi vaj tse.
- e. Tej zaum tus tswv yuav tsis tsub nqi los sis lees txais, los ntawm tsev neeg los sis los ntawm lwm qhov chaw, ib qho kev them nqi xauj tsev ntxiv rau tus nqi xauj tsev rau tus tswv tsev. Tus nqi xauj tsev rau tus tswv suav nrog tag nrho cov kev pab cuam vaj tse, kev tu xyuas, cov khoom siv hluav taws xob thiab cov khoom siv uas yuav tsum tau txais thiab them los ntawm tus tswv tsev raws li daim ntawv xauj tsev.

- f. Tus tswv tsev yuav tsum xa rov qab cov nqi xauj tsev ntau tshaj rau tus neeg xauj tsev tam sim ntawd.

6. Lwm Cov Nqi thiab Kev Tsub Nqi

- a. Cov nqi xauj tsev rau tus tswv tsis suav nrog cov nqi puas noj los sis cov kev pab txhawb nqa los sis rooj tog uas tus tswv muab.
- b. Tej zaum tus tswv yuav tsis xav kom tus neeg xauj tsev los sis cov neeg hauv tsev neeg them cov nqi rau puas noj los sis cov kev pab txhawb nqa los sis cov rooj tog uas tus tswv muab. Qhov kev tsis them nyiaj rau cov nqi li no tsis tau txhais tias yog kev txiav qhov kev xauj tsev.
- c. Tej zaum tus tswv yuav tsis tsub tus nqi xauj tsev ntxiv rau tus neeg xauj tsev rau cov khoom uas ib txwm muaj nyob rau hauv cov nqi xauj tsev rau tus tswv hauv cheeb tsam, los sis tsis muab tus nqi ntxiv rau cov neeg xauj tsev uas tsis tau txais kev pab hauv thaj chaw.

7. Kev Tu Xyuas, Cov Khoom Hluav Taws Xob, thiab Lwm Cov Kev Pab Cuam

a. Kev Tu Xyuas

- (1) Tus tswv yuav tsum tuav lub tsev thiab thaj chaw raws li HQS.
- (2) Kev tu xyuas thiab kev hloov pauv (nrog rau kev kho dua tshiab kom zoo nkauj) yuav tsum ua raws li tus qauv kev coj ua rau lub tsev cuam tshuam raws li tau tsim los ntawm tus tswv.

b. Cov khoom siv hluav taws xob thiab cov khoom siv

- (1) Tus tswv tsev yuav tsum muab tag nrho cov khoom siv hluav taws xob li tsim nyog los ua raws li HQS.
- (2) Tus tswv tsis lav ris rau kev ua txhaum cai HQS uas tsim los ntawm tus neeg xauj tsev kev ua tsis tau los:
- (a) Them rau cov nqi hluav taws xob uas yuav tsum tau them los ntawm tus neeg xauj tsev.
- (b) Muab thiab tswj txhua cov khoom siv uas tus neeg xauj tsev yuav tsum tau muab.

- c. **Kev Puas Tsuj Rau Tsev Neeg.** Tus tswv tsev tsis muaj kev lav ris rau kev ua txhaum cai HQS vim tias muaj kev puas tsuaj ntau dhau ntawm kev rau thiab kev ntuag los ntawm ib tus neeg hauv tsev los sis los ntawm cov qhua.

- d. **Cov Kev Pab Cuam Vaj Tse.** Tus tswv tsev yuav tsum muab tag nrho cov kev pab cuam vaj tse raws li tau pom zoo hauv daim ntawv xauj tsev.

8. Kev Txiav ntawm Daim Ntawv Xauj Tsev los ntawm Tus Tswv Tsev

- a. **Cov Cai Tseev Kom Muaj.** Tej zaum tus tswv tsuas yuav yuav txiav tawm qhov kev xauj tsev uas yog raws li daim ntawv xauj tsev thiab HUD cov cai tseev kom muaj nkaus xwb.

- b. **Hauv Cov Thaj Av.** Thaum ncuas sij hawm xauj tsev (thawj ncuas sij hawm ntawm daim ntawv xauj tsev los sis ib qho kev txuas sij hawm ntxiv), tej zaum tus tswv yuav txiav tawm ntawm qhov kev xauj tsev tsuas yog vim yog:

- (1) Kev ua txhaum loj los sis rov txhaum dua rau ntawm daim ntawv xauj tsev;
- (2) Kev Ua Txhaum ntawm Tsoom Fwv Teb Chaws, Lub Xeev, los sis txoj cai hauv cheeb tsam uas ua rau muaj kev lav ris rau tus neeg xauj tsev nrog rau kev nyob los sis kev siv ntawm lub tsev thiab thaj chaw;
- (3) Kev ua txhaum cai los sis kev haus dej cawv (raws li tau hais hauv koog lus c); los sis
- (4) Lwm qhov laj thawj zoo (raws li tau hais hauv koog lus d).

c. Kev ua txhaum cai los sis kev haus dej haus cawv

- (1) Tej zaum tus tswv tsev yuav txiav tawm qhov kev xauj tsev thaum lub sij hawm xauj tsev yog tias ib tus neeg hauv tsev neeg, ib tus qhua los sis lwm tus neeg nyob hauv kev vam khom tswj hwm tau ua ib yam ntawm cov kev ua txhaum cai hauv qab no:

- (a) Txhua yam kev ua txhaum cai uas ua phem rau txoj kev noj qab haus huv los sis kev nyab xeeb ntawm, los sis txoj cai kom muaj kev thaj yeeb nyab xeeb ntawm thaj chaw los ntawm, lwm tus neeg nyob hauv (suav nrog cov neeg ua hauj lwm tswj vaj tse nyob hauv thaj chaw);

- (b) Ib qho kev ua txhaum cai uas ua phem rau kev noj qab haus huv los sis kev nyab xeeb, los sis txoj cai kom muaj kev thaj yeeb nyab xeeb ntawm lawv qhov chaw nyob los ntawm, cov neeg nyob hauv thaj tsam ze ntawm thaj chaw;

- (c) Ib qho kev ua phem txhaum cai ntawm qhov chaw los sis ze ntawm thaj chaw; los sis

- (d) Txhua yam kev ua txhaum cai uas cuam tshuam yeeb tshuaj nyob ntawm thaj chaw los sis ze ntawm thaj chaw.

- (2) Tej zaum tus tswv tsev yuav txiav tawm qhov kev xauj tsev thaum lub sij hawm xauj tsev yog tias tus neeg hauv tsev neeg yog:

- (a) Kev khiav tawm kom tsis txhob raug foob, los sis kev saib xyuas los sis kaw tom qab raug txiav txim, kev ua txhaum cai, los sis sim ua txhaum cai, uas yog kev ua txhaum cai raws li txoj cai ntawm qhov chaw uas tus neeg khiav tawm, los sis qhov ntawd, nyob rau hauv rooj plaub ntawm Lub Xeev New Jersey, yog ib tug ua phem siab heev; los sis

- (b) Ua txhaum txoj cai ntawm kev raug txim los sis raug kaw raws li Tsoom Fwv Teb Chaws los sis Lub Xeev txoj cai.

- (3) Tej zaum tus tswv tsev tuaj yeem txiav tawm qhov kev xauj tsev rau ib qho kev ua txhaum cai los ntawm tus neeg hauv tsev raws li tshooj no yog tias tus tswv tsev txiav txim siab tias ib tus neeg hauv tsev tau ua txhaum cai, txawm tias tus neeg hauv tsev tau raug ntes los sis raug txim rau qhov kev ua no los xij.

- (4) Tej zaum tus tswv tsev tuaj yeem txiav tawm qhov kev xauj tsev thaum lub sij hawm xauj tsev yog tias ib tus neeg hauv tsev tau koom nrog hauv qhov kev haus cawv uas ua rau muaj kev phom sij rau kev noj qab haus huv, txoj kev nyab xeeb los sis txoj cai kom muaj kev thaj yeeb nyab xeeb ntawm thaj chaw los ntawm lwm cov neeg nyob hauv.

d. Lwm qhov laj thawj zoo rau kev txiav tawm qhov kev xauj tsev

- (1) Thaum ncuas sij hawm xauj tsev thawj zaug, lwm qhov laj thawj zoo rau kev txiav tawm ntawm kev xauj tsev yuav tsum yog yam uas tsev neeg tau ua los sis ua tsis tiav.

- (2) Thaum ncuas sij hawm xauj tsev thawj zaug los sis thaum ncuas sij hawm txuas ntxiv, lwm qhov laj thawj zoo yuav suav nrog:

- (a) Kev ua cuam tshuam rau cov neeg nyob sib ze,

- (b) Kev puas tsuaj ntawm vaj tse, los sis

- (c) Cov cwj pwm kev ua neej nyob los sis kev tu vaj tse uas ua rau muaj kev puas tsuaj rau lub tsev los sis thaj chaw.
- (3) Tom qab ncuaj sij hawm xauj tsev thawj zaug, qhov laj thawj zoo no yuav suav nrog:
 - (a) Tus neeg xauj tsev tsis kam lees txais tus tswv daim ntawv xauj tsev tshiab los sis hloov kho dua;
 - (b) Tus tswv xav siv lub tsev rau tus kheej los sis tsev neeg siv los sis rau lub hom phiaj uas tsis yog siv los ua chav tsev xauj nyob; los sis
 - (c) Lub laj thawj kev ua lag luam los sis kev lag luam rau kev txiav tawm ntawm kev xauj tsev (xws li kev muag khoom vaj tse, kev kho lub tsev dua tshiab, tus tswv xav xauj lub tsev rau tus nqi xauj siab dua).
- (4) Cov piv txwv ntawm lwm qhov laj thawj zoo hauv kab lus no tsis txwv ib txoj cai lij choj hauv Xeev los sis hauv cheeb tsam rau qhov tsis sib xws.
- (5) Nyob rau hauv qhov xwm txheej tus tswv uas yog ib tug tau txais tam sim no raws li kev chiv khoom vaj tse thaum ncuaj sij hawm ntawm daim ntawv xauj tsev, xav kom tus neeg xauj tsev khiav tawm ntawm lub tsev ua ntej muag yuav tsis xam tias yog lub laj thawj zoo, tshwj tsis yog hais tias tus tswv yuav txiav daim ntawv xauj tsev uas tseem siv tau rau rau hnuv hloov ntawm lub tsev mus rau tus tswv yog tias tus tswv:
 - (a) Yuav ua tus tswv hauv chav tsev raws li qhov chaw nyob tseem ceeb; thiab
 - (b) Tau muab tsab ntawv ceeb toom rau tus neeg xauj tsev kom khiav tawm mus tsawg kawg 90 hnuv ua ntej hnuv siv tau ntawm tsab ntawv ceeb toom no. Txoj cai no yuav tsis cuam tshuam rau ib txoj cai lij choj hauv Xeev los sis hauv cheeb tsam uas muab ncuaj sij hawm ntev dua los sis cov kev tiv thaiv ntxiv rau cov neeg xauj tsev

9. Kev Tiv Thaiv rau Kev Ua Phem Hauv Tsev Neeg, Kev Ua Phem Rau Kev Ua Nkauj Ua Nraug, Kev Ua Phem Rau Kev Sib Daj Sib Deev, los sis Soj Taug Qab

- a. **Lub Hom Phiaj:** Tshooj lus no suav nrog cov kev tiv thaiv rau cov neeg raug tsim txom hauv tsev, kev ua phem rau kev ua nkauj ua nraug, kev ua phem rau kev sib daj sib deev, los sis kev soj taug qab raws li nqe lus N ntawm Txoj Cai Tswj Hwm Kev Ua Phem Rau Cov Poj Niam xyoo 1994, raws li kev hloov kho tshiab (kev hloov kho ntxiv ntawm 42 U.S.C. 14043e thiab seq.) (AWA) thiab kev siv cov cai ntawm 24 CFR ntu 5, ntu me L.
- b. **Kev Tsis Sib Haum Xeeb nrog lwm Cov Kev Cai:** Thaum muaj qhov xwm txheej kev tsis sib haum xeeb ntawm qhov kev cai no thiab lwm cov kev cai uas suav nrog hauv Ntu C ntawm daim ntawv cog lus HAP, qhov cai no yuav siv tau.
- c. **Cuam Tshuam rau Lwm Cov Kev Tiv Thaiv:** Tsis muaj ib yam dab tsi hauv tshooj lus no yuav raug cam tias los hloov ib qho kev cai ntawm txoj cai lij choj hauv Tsoom Fwv Teb Chaws, Lub Xeev, los sis hauv cheeb tsam uas muab kev tiv thaiv kom zoo dua li tshooj no rau cov neeg raug tsim txom hauv tsev neeg, kev ua phem rau kev ua nkauj ua nraug, kev ua phem rau kev sib daj sib deev, los sis kev soj taug qab.
- d. **Cov Ntsiab Lus Txhais:** Raws li tau siv nyob rau hauv Tshooj no, cov ntsiab lus “kev hem thawj tiag-tiag thiab yuav tshwm sim,” “tus neeg koom nrog,” “kev sib cais,” “kev ua phem rau kev ua nkauj ua nraug,” “kev ua phem hauv tsev,” “kev ua phem rau kev sib daj sib deev,” thiab “kev soj taug qab” yog tau teev cia hauv HUD cov cai ntawm 24. CFR ntu 5, ntu me L. Cov ntsiab lus “Tsev Neeg” thiab “Lwm Tus

Neeg Nyob Hauv Tus Neeg Xauj Tsev Txoj Kev Tswj Hwm” tau teev cia ntawm 24 CFR ntu 5, ntu me A.

- e. **Daim Foons Ceeb Toom thiab Kev Ua Pov Thawj VAWA:** PHA yuav tsum muab “Daim Ntawv Ceeb Toom Txog Txoj Kev Nyob hauv VAWA thiab daim ntawv pov thawj uas tau piav qhia hauv 24 CFR 5.2005(a)(1) thiab (2).
- f. **Kev Tiv Thaiv rau kev ua phem Hauv Tsev Neeg, Kev Ua Phem Rau Kev Ua Nkauj Ua Nraug, Kev Ua Phem Rau Kev Sib Daj Sib Deev, los sis Soj Taug Qab:**
 - (1) Tus tswv tsev los sis PHA yuav tsis kam lees txais, tsis kam lees txais qhov kev pab cuam, txiav tawm ntawm kev koom rau hauv, los sis tshem tawm Tus Neeg Xauj Tsev raws li qhov tshwm sim ncaj qha ntawm qhov tseeb tias Tus Neeg Xauj Tsev yog los sis tau raug tsim txom hauv tsev neeg, kev ua phem rau kev ua nkauj ua nraug, kev ua phem rau kev daj sib deev, los sis kev soj taug qab, yog tias Tus Neeg Xauj Tsev tsim nyog tau txais kev lees paub, kev pab cuam, kev koom nrog, los sis kev nyob. 24 CFR 5.2005(b)(1).
 - (2) Tus neeg xauj tsev yuav tsum tsis kam lees txais qhov chaw nyob los sis thaj chaw hauv txoj cai nkaus xwb los ntawm kev ua txhaum cai los ntawm ib Tus Neeg Hauv Tus Neeg Xauj Tsev los sis ib tus qhua los sis Lwm Tus Neeg Nyob rau hauv Tus Neeg Xauj Tsev Txoj Kev Tswj Hwm, yog tias kev ua txhaum cuam tshuam cai ncaj qha txog kev tsim txom hauv tsev, kev ua phem rau kev ua nkauj ua nraug, kev ua phem rau kev daj sib deev, los sis kev soj taug qab, thiab Tus Neeg Xauj Tsev los sis Tus Neeg Koom Nrog ntawm Tus Neeg Xauj Tsev yog tus neeg raug tsim txom los sis raug hem los ntawm kev tsim txom hauv tsev, kev ua phem rau kev ua nkauj ua nraug, kev ua phem rau kev daj sib deev, los sis kev soj taug qab. 24 CFR 5.2005(b)(2).
 - (3) Ib qho xwm txheej los sis qhov xwm txheej ntawm kev tsim txom hauv tsev kev ua phem rau kev ua nkauj ua nraug, kev ua phem rau kev daj sib deev los sis kev soj taug qab tiag los sis hem thawj yuav tsis raug txhais tias yog kev ua txhaum loj los sis rov ua txhaum txoj cai xauj tsev los ntawm tus neeg raug tsim txom los sis raug hem thawj los ntawm qhov xwm txheej. Tsis muaj ib qho twg yuav muab xam tias yog lwm yam “laj thawj zoo” rau kev txiav tawm ntawm daim ntawv xauj tsev, tsev xauj tsev, los sis txoj cai nyob ntawm tus neeg raug tsim txom los sis raug hem thawj. 24 CFR 5.2005(c)(1) thiab (c)(2).
- g. **Kev Ua Raws Li Lub Tsev Hais Plaub Cov Lus Txib:** Tsis muaj ib yam dab tsi hauv Daim Ntawv Qhia Ntxiv no yuav txwv txoj cai ntawm tus tswv tsev, thaum lub tsev hais plaub txib ceeb toom paub, kom ua raws li lub tsev hais plaub lo lus txib hais txog cov cai ntawm kev nkag los sis tswj ntawm lub tsev (suav nrog tsab ntawv cov lus txib tiv thaiv rau pej xeem uas tawm los tiv thaiv tus neeg raug tsim txom hauv tsev, kev ua phem ua phem rau kev ncauj nraug, kev ua phem rau kev sib daj sib deev, los sis kev soj taug qab) los sis hais txog kev faib los sis kev muaj vaj tse ntawm cov neeg ntawm Tus Neeg Xauj Lub Tsev. 24 CFR 5.2005(d)(1).
- h. **Cov Kev Ua Txhaum Cai Uas Tsis Tau Hais Tseg rau kev ua phem Hauv Tsev Neeg, Kev Ua Phem Rau Kev Ua Nkauj Ua Nraug, Kev Ua Phem Rau Kev Sib Daj Sib Deev, los sis Soj Taug Qab:** Tsis muaj dab tsi nyob rau hauv tshooj lus no yuav tsum muab xam tias los txwv tsis pub muaj lwm txoj cai ntawm Tus Tsev Tsev kom ntiab tawm los sis lub tsev nyob hauv pej xeem kom txiav tawm qhov kev pab ntawm Tus Neeg Xauj Tsev rau ib qho kev

ua txhaum cai uas tsis tau hais txog kev tsim txom hauv tsev, kev ua phem rau kev ua nkauj ua nraug, kev ua phem rau kev daj sib deev, los sis kev soj taug qab uas yog nug txog Tus Neeg Xauj Tsev los sis Tus Neeg Koom Nrog ntawm Tus Neeg Xauj Tsev. Txawm li cas los xij, Tus Tsev Tsev los sis PHA yuav tsis raug rau tus neeg xauj tsev, uas yog los sis tau raug kev tsim txom hauv tsev, kev ua phem rau kev ua nkauj ua nraug, kev ua phem rau kev daj sib deev, los sis kev soj taug qab, mus rau tus qauv xav tau ntau dua li lwm tus neeg xauj tsev hauv kev txiav txim siab seb puas yuav ntiab tawm los sis tshem tawm kev pab. 24 CFR 5.2005(d)(2).

i. Cov Kev Hem Thawj Uas Tshwm Sim Tiag thiab Yuav Tshwm Sim:

(1) Tsis muaj ib yam dab tsi hauv tshooj lus no yuav xam tias los txwv txoj cai ntawm Tus Tsev Tsev kom tshem tawm Tus Neeg Xauj Tsev yog tias Tus Tsev Tsev tuaj yeem ua pov thawj tias “qhov kev hem thawj tau tshwm sim tiag thiab yuav tshuam sim” rau lwm Tus Neeg Xauj Tsev los sis cov neeg ua hauj lwm ntawm qhov chaw los sis muab kev pab cuam rau lub cuab yeej yuav tshwm sim yog tias tus neeg xauj tsev los sis tus neeg nyob raug raws txoj cai yuav tsis raug ntiab tawm. Hauv cov ntsiab lus no, cov lus, kev siv tes taw piav, kev ua, los sis lwm yam ntsuas yuav xam tias yog qhov kev hem thawj uas tau tshwm sim tiag thiab yuav tshwm sim yog tias lawv ua tau raws li cov qauv hauv qab no rau qhov kev hem thawj uas tau tshwm sim tiag thiab yuav tshwm sim: “Kev hem thawj uas tau tshwm sim tiag thiab yuav tshwm sim” yog hais txog kev phom sij rau lub cev uas muaj tiag, yuav tshwm sim hauv lub sij hawm tam sim ntawd, thiab tuaj yeem ua rau tuag los sis mob hnyav rau lub cev. Hauv kev txiav txim siab seb tus neeg puas yuav ua rau muaj kev hem thawj uas tau tshwm sim tiag thiab yuav tshwm sim, cov xwm txheej yuav tsum tau txiav txim siab suav nrog: lub sij hawm ntawm qhov kev pheej hmoo, qhov xwm txheej thiab qhov hnyav ntawm qhov tuaj yeem yuav ua rau muaj kev puas tsuaj, qhov tshwm sim uas yuav tshwm sim, thiab lub sij hawm ntev ua ntej yuav muaj kev phom sij uas yuav tshwm sim tau. 24 CFR 5.2005(d)(3).

(2) Yog tias muaj kev hem thawj uas tau tshwm tiag thiab yuav tshwm sim, qhov kev ntiab tawm yuav tsum tau siv tsuas yog thaum tsis muaj lwm yam kev nqis tes ua uas yuav raug coj los txo los sis tshem tawm qhov kev hem thawj, suav nrog, tab sis tsis txwv rau, kev hloov tus neeg raug tsim txom mus rau lwm lub tsev sib txawv, txwv tus neeg ua txhaum los ntawm lub tsev, tiv tauj rau lub chaw hauj lwm tswj hwm kom ntxiv tub ceev xwm nyob ntxiv, txhim kho lwm yam phiaj xwm ua kom lub tsev muaj kev nyab xeeb, los sis nrhiav lwm yam kev cai lij choj los tiv thaiv tus neeg ua txhaum los ntawm qhov kev hem thawj. Cov kev txwv uas tau teev tseg hais txog kev nyab xeeb rau pej xeem tsis tuaj yeem ua raws li cov qauv kev xav, tab sis yuav tsum tau ua kom haum rau cov kev txhawj xeeb tshwj xeeb hais txog cov neeg nyob hauv. 24 CFR 5.2005(d)(4).

j. Kev Hloov Thaum Muaj Xwm Txheej Ceev: Tus neeg xauj tsev uas yog ib tus neeg raug tsim txom hauv tsev, kev ua phem rau kev ua nkauj ua nraug, kev ua phem rau kev sib daj sib deev, los sis kev soj ntsuam tuaj yeem thov kev thawj xwm txheej ceev raws li PHA txoj kev phiaj xwm kev thawj thaum muaj xwm txheej ceev. 24 CFR 5.2005(e). PHA txoj kev phiaj xwm hloov rau qhov xwm txheej ceev yuav tsum muaj raws li qhov kev thov, thiab suav nrog cov cai ntsuas kev txwv tsis pub lwm tus paub los xyuas kom paub meej tias PHA tsis tshaj qhia tus neeg xauj tsev lub tsev nyob qhov chaw rau tus neeg uas tau ua phem los sis

hem tias yuav ua phem rau hauv tsev, kev ua phem rau kev ua nkauj ua nraug, kev ua phem rau kev sib daj sib deev, los sis kev soj taug qab tus neeg xauj tsev;

Rau kev hloov uas tus neeg xauj tsev yuav tsis raug xam tias yog tus neeg thov tshiab, PHA yuav tsum xyuas kom paub tseeb tias daim ntawv thov rau Kev hloov thaum muaj xwm txheej ceev tau txais, yam tsawg kawg, qhov tseem ceeb ua ntej uas siv tau ntxiv uas twb tau muab rau lwm hom kev thov hloov xwm txheej ceev lawm. Rau qhov kev hloov uas tus neeg xauj tsev yuav raug xam tias yog tus neeg thov tshiab, txoj phiaj xwm yuav tsum muaj cov cai los pab tus neeg xauj tsev nrog qhov kev hloov no.

k. Kev Cais: Raws li cov kev cai tseev kom muaj txiav tawm ib qhov kev xauj tsev los sis cov txheej txheem tau teev tseg los ntawm Tsoom Fwv Teb Chaws, Xeev, los sis txoj cai hauv cheeb tsam, yog tias ib tus neeg ntawm Tus Neeg Xauj Tsev hauv Tsev Neeg koom nrog kev ua txhaum cai ncaj qha ntsig txog kev tsim txom hauv tsev, kev ua phem rau kev ua nkauj ua nraug, kev ua phem rau kev sib daj sib deev, los sis kev soj taug qab, Tus Tswv Tsev tuaj yeem “cais” Daim Ntawv Xauj Tsev, los sis tshem tus tswv cuab hauv Tsev Neeg los ntawm daim ntawv xauj tsev, yam tsis xav txog seb tus tswv cuab hauv Tsev Neeg puas yog tus kos npe rau Daim Ntawv Xauj Tsev no, txhawm rau tshem tawm, tshem tawm, los sis txiav tawm txoj cai nyob ua ib tus neeg hauv Tsev Neeg yam tsis muaj kev ntiab tawm, tshem tawm, los sis raug nplua tus neeg raug tsim txom ntawm kev ua txhaum cai uas tseem yog tus neeg xauj tsev los sis tus neeg nyob yam raug cai. Cov cai kev ntiab tawm, tshem tawm, txiav tawm txoj cai nyob, los sis kev txiav tawm ntawm kev pab no yuav tsum tau ua raws li cov txheej txheem tau teev tseg los ntawm Tsoom Fwv Teb Chaws, Lub Xeev, thiab txoj cai hauv cheeb tsam rau kev txiav tawm ntawm kev xauj tsev los sis kev pab cuam raws li lub khoos kas daim ntawv pov thawj qhia kev xaiv vaj tse. 24 CFR 5.2009(a).

Yog Tus Tswv Tsev muab Daim Ntawv Xauj Tsev ntiab tawm, tshem tawm, los sis txiav kev pab rau ib tus neeg hauv tsev, thiab ib tus neeg hauv tsev yog tus neeg xauj tsev nkaus xwb uas tsim nyog tau txais kev pab, tus tswv tsev yuav tsum muab cov neeg xauj tsev los sis cov neeg nyob hauv lub sij hawm 30 hnub txij li hnub kev muab daim ntawv xauj tsev rau:

(1) Tsim kom muaj kev tsim nyog rau tib lub khoos kas pab cuam vaj tse nyob rau hauv uas tus neeg xauj tsev raug ntiab tawm los sis raug txiav tawm yog tus neeg xauj tau txais kev pab thaum lub sij hawm kev muab daim ntawv xauj tsev;

(2) Tsim kom muaj kev tsim nyog raws li lwm lub khoos kas pab them nqi vaj tse; los sis

(3) Nrhiav lwm qhov chaw nyob.

l. Kev Sib Cais Ntawm Tsev Neeg: Yog tias tsev neeg sib cais los ntawm kev tsim txom hauv tsev, kev ua phem rau kev ua nkauj ua nraug, kev ua phem rau kev sib daj sib deev, los sis kev soj taug qab uas tswm sim, PHA yuav tsum ua kom ntsee tau tias tus neeg raug tsim txom ntawd khaws tau qhov kev pab cia. 24 CFR 982.315.

m. Tsv Tawm nrog Kev Pab Txuas Ntxiv: Lub koom haum pab cuam vaj tse rau pej xeem yuav tsis txiav tawm qhov kev pab rau tsev neeg los sis cov neeg hauv tsev neeg uas tsv tawm ntawm lub tsev ua txhaum cai ntawm daim ntawv xauj tsev, nrog los sis tsis nrog kev ceeb toom ua ntej rau lub koom haum pab cuam vaj tse rau pej xeem yog tias qhov kev tsv no tshwm sim los tiv thaiv rau txoj kev noj qab haus huv los sis kev nyab xeeb ntawm ib tug neeg hauv tsev neeg uas raug los sis tau raug tsim txom hauv tsev neeg, kev ua phem rau kev ua nkauj ua nraug, kev ua phem rau kev sib

daj sib deev, los sis kev soj taug qab; thiab tus neeg uas ntseeg tau tias lawv yuav raug hem thawj los ntawm kev phom sij ntxiv los ntawm kev ua phem yog tias lawv tseem nyob hauv lub tsev, los sis yog tias ib tus neeg hauv tsev neeg tau raug kev tsim txom los ntawm kev ua phem rau kev sib daj sib deev uas tshwm sim hauv thaj chaw hauv lub sij hawm 90-hnub ua ntej tsev neeg thov tsiv tawm mus.

(1) Qhov kev tsiv mus yuav tau los tiv thaiv rau txoj kev noj qab haus huv los sis kev nyab xeeb ntawm tsev neeg los sis cov neeg hauv tsev neeg uas raug los sis tau raug tsim txom los ntawm kev tsim txom hauv tsev, kev ua phem rau kev ua nkauj ua nraug, kev tsim txom rau kev sib daj sib deev, los sis kev soj taug qab; thiab

(2) Tsev neeg los sis cov neeg hauv tsev neeg ntseeg tau tias nws raug hem tias yuav raug kev phom sij los ntawm kev ua phem ntxiv yog tias nws tseem nyob hauv tsev. Txawm li cas los xij, ib tus neeg hauv tsev neeg uas tau raug tsim txom los ntawm kev tsim txom ntawm kev sib daj sib deev uas tau tshwm sim hauv thaj chaw rau lub sij hawm 90-hnub ua ntej tsev neeg tsiv tawm los sis thov tsiv mus tias tas yuav tsum ntseeg tias nws raug hem tias yuav muaj kev phom sij los ntawm qhov kev ua phem txuas ntxiv yog tias nws tseem nyob hauv chaw tsev. 24 CFR 982.354.

n. Kev Tsis Pub Lwm Tus Paub.

(1) Tus Tswv Tsev yuav tsum muaj kev ntseeg siab nruj rau txhua yam ntaub ntawv uas Tus Neeg Xauj Tsev (los sis ib tug neeg ua sawv cev ntawm Tus Neeg Xauj Tsev) xa mus rau Tus Tswv Tsev txog qhov xwm txheej ntawm kev tsim txom hauv tsev, kev ua phem rau kev ua nkauj ua nraug, kev ua phem rau kev sib daj sib deev los sis kev soj taug qab, suav nrog qhov tseeb tias tus neeg xauj tsev yog tus neeg raug tsim txom hauv tsev, kev ua phem rau kev ua nkauj ua nraug, kev ua phem rau kev sib daj sib deev los sis kev soj taug qab.

(2) Tus Tsev Tsev yuav tsum tsis tsum txhob tso cai rau ib tus neeg tswj hwm kev pab sawv cev, los sis ib tus neeg hauv nws txoj hauj lwm, kom nkag mus rau cov ntaub ntawv ntiag tug tshwj tsis yog tau tso cai los ntawm tus tswv tsev rau cov laj thawj tshwj xeeb hu rau cov tib neeg no kom nkag mus rau cov ntaub ntawv raws li Tsoom Fwv Teb Chaws, Xeev, los sis txoj cai hauv cheeb tsam uas siv tau.

(3) Tus Tswv Tsev yuav tsum tsis txhob sau cov ntaub ntawv tsis pub lwm tus paub rau hauv ib qho chaw khaws ntaub ntawv sib koom los sis nthuav tawm cov ntaub ntawv no rau lwm lub koom haum los sis ib tus neeg, tshwj tsis yog tias qhov kev nthuav tawm tau thov los sis pom zoo sau los ntawm tus neeg hauv lub sij hawm txwv kev tshaj tawm; yuav tsum tau siv nyob rau hauv ib qho txheej txheem kev ntiab tawm; los sis xav tau los ntawm txoj cai lij choj uas siv tau.

10. Kev ntiab tawm los ntawm kev txiav txim plaub ntug

Tej zaum tus tswv yuav ntiab tus neeg xauj tsev tsuas los ntawm kev txiav txim plaub ntug xwb.

11. Daim ntawv ceeb toom tus tswv txog qhov laj thawj

a. Thaum txiav txim plaub ntug los sis ua ntej ntawd kom ntiab tus neeg xauj tsev tawm, tus tswv yuav tsum muab tsab ntawv ceeb toom rau tus neeg xauj tsev uas qhia txog cov laj thawj rau kev txiav tawm ntawm kev xauj tsev. Tej zaum daim ntawv ceeb toom yuav muab tso rau hauv los sis ua ke nrog ib daim ntawv ceeb toom ntiab tawm tus tswv.

b. Tus tswv yuav tsum muab ib daim ntawv theej ntawm ib daim ntawv ceeb toom ntiab tawm tus tswv rau PHA thaum tib lub sij hawm tus tswv ceeb toom rau tus neeg xauj tsev.

c. Daim ntawv ceeb toom ntiab tawm txhais tau hais tias tsab ntawv ceeb toom kom tawm mus, los sis kev tsis txaus siab los sis lwm yam kev thov thawj zaug uas siv los pib qhov kev ntiab tawm raws li Xeev los sis txoj cai hauv cheeb tsam.

12. Kev Xauj Tsev: Hais Txog HAP Daim Ntawv Cog Lus Yog tias daim ntawv cog lus HAP xaus rau ib qho laj thawj, daim ntawv xauj tsev yuav cia li txiav tawm.

13. PHA Kev Txiaiv Tawm ntawm Kev Pab Cuam

Tej zaum PHA yuav txiav lub khoos kas kev pab cuam rau tsev neeg rau txhua qhov chaw uas tau txais kev tso cai raws li HUD cov cai tseev kom m uaj. Yog tias PHA txiav lub khoos kas pab cuam rau tsev neeg, daim ntawv xauj tsev yuav raug txiav tawm.

14. Tsev Neeg Tsiv Tawm

Tus neeg xauj tsev yuav tsum ceeb toom rau PHA thiab tus tswv ua ntej tsev neeg tsiv tawm ntawm lub tsev.

15. Kev Tso Nyiaj Rau Kev Ruaj Ntseg

a. Tej zaum tus tswv yuav sau ib qho nyiaj tso rau kev ruaj ntseg los ntawm tus neeg xauj tsev. (Txawm li cas los xij, tej zaum PHA yuav txwv tsis pub tus tswv khaws cov nyiaj tso rau kev ruaj ntseg ntau dhau ntawm kev ua lag luam ntiag tug, los sis ntau tshaj li tus tswv tau tsub nqi rau cov neeg xauj tsev uas tsis tau txais kev pab. Ib qho kev txwv twg ntawm PHA yuav tsum tau teev tseg hauv daim ntawv cog lus HAP.)

b. Thaum tsev neeg tsiv tawm ntawm lub tsev uas cog lus, tus tswv, raws li txoj cai lij choj hauv Xeev thiab hauv cheeb tsam, tej zaum yuav siv cov nyiaj tso rau kev ruaj ntseg, suav nrog cov paj laum ntawm qhov nyiaj tso, raws li kev them rov qab rau cov nqi xauj tsev uas tsis tau them los ntawm tus neeg xauj tsev, cov kev puas tsuaj rau lub tsev los sis lwm yam nyiaj uas tus neeg xauj tsev tshuav tsis tau them nyob hauv daim ntawv xauj tsev.

c. Tus tswv yuav tsum muab ib daim ntawv teev txhua yam khoom rau tus neeg xauj tsev uas them rau cov nyiaj tso rau kev ruaj ntseg, thiab tus nqi ntawm txhua yam khoom. Tom qab txiav tus nqi tawm, yog tias muaj, siv los them nyiaj rov qab rau tus tswv, tus tswv yuav tsum tau them rov qab tam sim ntawd tag nrho cov nyiaj tshuav tsis tau siv rau tus neeg xauj tsev.

d. Yog tias qhov nyiaj tso rau kev ruaj ntseg tsis txaus los them cov nqi uas tus neeg xauj tsev tshuav nyob hauv daim ntawv xauj tsev, tus tswv yuav sau cov nyiaj tshuav ntawm tus neeg xauj tsev.

16. Kev Txwv Tsis Pub Muaj Kev Ntxub Ntxaug

Raws li txoj cai txwv tsis pub muaj kev ntxub ntxaug thiab kev muaj vaj huam sib luag, txoj cai lij choj, Tus Thawj Coj Cov Kev Txiaiv Txim, thiab cov kev cai, tus tswv yuav tsum tsis txhob ntxub ntxaug lwm tus neeg vim yog haiv neeg, xim tawv nqaij, kev ntseeg, poj niam los txiv neej (xws li kev ua plee ua yi thiab poj niam los txiv neej), lub teb chaws tuaj, hnub nyoog, xwm txheej tsev neeg los sis kev xiam oob qhab nyob rau hauv kev twb kev txuas nrog rau daim ntawv xauj tsev. Kev tsim nyog rau HUD cov khoos kas pab cuam yuav tsum tau ua yam tsis xav txog qhov kev ua plee ua yi tseeb los sis tau pom, poj niam los txiv neej, los sis kev txij nkawm.

17. Kev Tsis Sib Haum Xeeb nrog Lwm Cov Kev Cai ntawm Daim Ntawv Xauj Tsev

- a. Cov nqe lus ntawm daim ntawv qhia ntxiv txog kev xauj tsev uas tau piav qhia los ntawm HUD raws li Tsoom Fwv Teb Chaws txoj cai lij choj thiab txoj kev cai, raws li ib qho xwm txheej rau Tsoom Fwv Teb Chaws kev pab cuam rau tus neeg xauj tsev thiab tsev neeg nyob hauv Tshooj 8 ntawm lub khoos kas kev nthuav qhia.
- b. Nyob hauv qhov xwm txheej ntawm ib qho kev tsis sib haum xeeb ntawm cov kev cai ntawm daim ntawv qhia ntxiv txog kev xauj tsev raws li qhov xav tau los ntawm HUD, thiab lwm yam kev cai ntawm daim ntawv xauj tsev los sis lwm yam kev pom zoo ntawm tus tswv tsev thiab tus neeg xauj tsev, cov cai tsev kom muaj ntawm HUD-uas xav kom daim ntawv qhia ntxiv txog kev xauj tsev yuav tsum tswj.

18. Cov Kev Hloov Pauv hauv Daim Ntawv Xauj Tsev los sis Kev Xauj

- a. Tej zaum tus neeg xauj tsev thiab tus tswv yuav tsis hloov pauv hauv daim ntawv qhia ntxiv txog tus neeg xauj. Txawm li cas los xij, yog tias tus neeg xauj tsev thiab tus tswv pom zoo rau lwm yam kev hloov pauv hauv daim ntawv xauj tsev, cov kev hloov pauv no yuav tsum tau sau ua ntawv, thiab tus tswv yuav tsum muab daim ntawv theej ntawm cov kev hloov pauv no tam sim ntawd rau PHA. Daim ntawv xauj tsev, suav nrog txhua cov kev hloov pauv, yuav tsum ua raws li cov cai tsev kom muaj ntawm daim ntawv qhia ntxiv txog tus neeg xauj tsev.
- b. Hauv cov xwm txheej hauv qab no, kev pab cuam raws li tus neeg xauj tsev yuav tsum tsis muaj txuas ntxiv mus tshwj tsis yog PHA tau pom zoo rau qhov kev xauj tsev tshiab raws li txoj lub khoos kas cov cai tsev kom muaj thiab tau ua tiav daim ntawv cog lus HAP tshiab nrog tus tswv:
 - (1) Yog tias muaj kev hloov pauv hauv cov cai tsev kom muaj rau kev xauj tsev uas tswj hwm tus neeg xauj tsev los sis tus tswv yuav lav rau cov khoom siv hluav taws xob los sis cov khoom siv;
 - (2) Yog tias muaj kev hloov pauv hauv cov cai daim ntawv xauj tsev uas siv rau ncuu sij hawm ntawm daim ntawv xauj tsev;
 - (3) Yog tias tsev neeg tsiv mus rau ib lub tsev tshiab, txawm tias chav tsev nyob hauv tib chav tsev los sis lub tsev ntau tshooj los xij.
- c. PHA qhov kev pom zoo ntawm kev xauj tsev, thiab kev ua tiav daim ntawv cog lus HAP tshiab, tsis tas yuav tsum tau pom zoo hloov pauv daim ntawv xauj tsev uas tsis yog raws li tau teev tseg hauv koog lus b.
- d. Tus tswv yuav tsum ceeb toom rau PHA rau txhua qhov kev hloov pauv ntawm tus nqi xauj tsev rau tus tswv yam tsawg rau caum hnuv Tus tswv yuav tsum ceeb toom rau PHA rau txhua qhov kev hloov pauv ntawm tus nqi xauj tsev rau tus tswv yam tsawg rau caum hnuv ua ntej qhov kev hloov pauv no yuav pib siv tau, thiab tus nqi xauj tsev rau tus tswv tom qab muaj ib qho kev hloov pauv uas tau txais kev pom zoo yuav tsis pub tshaj qhov nqi xauj tsev uas tsim nyog rau lub tsev raws li feem ntau tshaj plaws uass tau txiav txim siab los sis rov txiav txim siab tsis ntev los no los ntawm PHA raws li HUD cov cai tsev kom muaj.

19. Cov Lus Ceeb Toom

Ib daim ntawv ceeb toom nyob rau hauv daim ntawv xauj tsev los ntawm tus neeg xauj tsev rau tus tswv tsev los sis los ntawm tus tswv rau tus neeg xauj tsev yuav tsum sau ua ntawv ceeb toom.

20. Cov Ntsiab Lus Txhass

Daim ntawv cog lus lub tsev. Lub tsev nyob uas tus neeg xauj tsev tau xauj nrog kev pab raws li lub khoos kas pab cuam.

Yim Neeg. Cov neeg uas tuaj yeem nyob hauv lub tsev nrog kev pab raws li lub khoos kas.

HAP daim ntawv xog lus. Daim ntawv cog lus them nyiaj pab rau vaj tse ntawm PHA thiab tus tswv tsev. PHA them nyiaj pab rau vaj tse nyob rau tus tswv raws li daim ntawv cog lus HAP.

Tsev Neeg. Tej zaum cov neeg yuav nyob hauv chav tsev cog lus. Tsev neeg muaj yim neeg thiab ib tus neeg pab nyob hauv PHA uas tau txais kev pom zoo. (Ib tug neeg pab nyob hauv yog ib tus neeg nyob hauv lub tsev los muab kev pab cuam txhawb nqa tsim nyog rau ib tus neeg hauv tsev neeg uas yog tus neeg xiam oob qhab.)

Cov qauv vaj tsev zoo (HQS). Tus qauv yam tsawg kawg nkaus ntawm HUD rau vaj tse pab raws li Tshooj 8 lub khoos kas raws li tus neeg xauj tsev.

HUD. Feem Hauj Lwm Saib Xyuas Vaj Tse thiab Kev Txhim Kho Nroog Hauv Teb Chaws Meskas (U.S Department of Housing and Urban Development).

HUD cov cai tsev kom muaj. HUD cov cai tsev kom muaj yog muab los ntawm HUD lub chaw ua hauj lwm loj, raws li cov kev cai, cov ntawv ceeb toom ntawm Kev Sau Npe Rau Tsoom Fwv los sis lwm cov lus qhia txog lub khoos kas.

Kev Xauj Tsev. Daim ntawv sau cog lus ntawm tus tswv tsev thiab tus neeg xauj tsev rau daim ntawv xauj tsev ntawm lub tsev xauj rau tus neeg xauj tsev. Daim ntawv xauj tsev suav nrog daim ntawv qhia ntxiv txog kev xauj tsev ntxiv uas HUD tau piav qhia.

PHA. Lub Koom Haum Saib Xyuas Vaj Tse Rau Pej Xeem.

Cov Chaw. Lub chav tsev los sis tsev ntau tshooj nyob uas lub tsev xauj nyob, suav nrog tej thaj chaw feem thiab cov chaw.

Lub Khoos Kas. Lub khoos kas daim ntawv pov thawj qhia kev xaiv vaj tse Tshooj 8.

Xauj rau tus tswv tsev. Tag nrho cov nqi xauj tsev txhua hli uas them rau tus tswv rau chav tsev xauj. Cov nqi xauj tsev rau tus tswv yog cov nqi tag nrho ntawm cov nqi xauj tsev ib feem uas tus neeg xauj tsev them ntxiv rau cov nyiaj pab them nqi tsev ntawm PHA rau tus tswv tsev.

Tshooj 8. Tshooj 8 ntawm Txoj Cai Tswj Hwm Vaj Tse Hauv Teb Chaws Meskas xyoo 1937 (42 Txoj Cai Tswj Hwm Hauv Teb Chaws Meskas 1437f).

Tus Neeg Xauj Tsev. Cov neeg hauv tsev neeg (los sis cov tswv cuab) uas xauj chav tsev los ntawm tus tswv.

Daim ntawv tshaj tawm txog lub khoos kas. Lub khoos kas daim ntawv pov thawj qhia kev xaiv vaj tse Tshooj 8. Raws li lub khoos kas no, HUD muab nyiaj pab PHA rau cov nqi xauj tsev tam rau ntawm cov tsev neeg tsim nyog tau txais. Cov kev xauj tsev hauv daim ntawv xauj tsev yuav tau txais nyiaj pab them nqi xauj tsev rau kev xauj tsev raws li lub khoos kas nthuav qhia.